

Lungzswng: Angqhoh Conzdungj Ciet Roigyaj

龙胜：欢度传统梳秧节

6 nyied 10 hauh, Lungzswng Gak Cuz Swciyen Lungciz Cin Bingzanh Cunh banh conzdungj ciet roigyaj moix bi gvaq baez haenx. Hozdung ngoenzhaenx banh le laeujndei Lungciz coux bouxhek、daihgingz cizdij dajndaem、yenzswnghdai gofoux vanjvei daengj hozdung lai cungj lai yiengh. Haemhhaenx lij miz fanh bog bogfeiz diemj rongh nazmbaeklae Lungciz dem, hawj guengjdaih ndaw guek rog guek hekyouz yawj dwk da cungj mbouj yaep.

Ciet roigyaj dwg aen ciet conzdungj ndawbiengz cibsam aen mbanj Lungzswng Lungciz he. Binaengz muengzcungq gonqlaeng, Lungciz vunz Mbanjcuengh cungj senj ngoenzndei ndeu, banh “ciet roigyaj”.

Ngoenzhaenx, gyoengq vunzmbanj youq nazmbaeklae cizdij ndaemnaz guh hong, doenghnaz yaepyet nyaengq hwnjdaej, suengndaem、roigyaj、senjgyaj、ndaemgyaj daengj. Vunzmbanj lij haiguh youq gyang nazmbaeklae gaeb bya、ciengj gaeq、dwkciengq naez daengj minzsuz hozdung conzdungj sengdoengh miz yinx dem.

(Banh Cisiengz/潘志祥)



▲ Youq gyang naz roigyaj.



▲ Gyanghaemh nazmbaeklae gyaeu lumj man.

Lozcwngz: Beixnuengx Mulaujcuz Angqhoh Ciet Ngux Nyied Co'ngux

罗城：古村侬族同胞闹端午

6 nyied 9 hauh dwg ciet ngux nyied co'ngux ciet conzdungj Cunguek, Lozcwngz Mulaujcuz Swciyen Dunghmwz Cin Mbanj-sizveiz Gaeuq beixnuengx Mulaujcuz baij ngaizdaizraez, banh dongfeiz vanjvei, guh diuq fouxfuncingz Mulaujcuz、biujyienj foux lungzfiengz Mulaujcuz caeuq doxdax ciengj

faengx daengj conzdungj minzsuz hozdung, angqcoux bet baih bouxhek, hawj caezgya caenhcingz daejniemh gij funcingz minzcuz daegbied Mulaujcuz, doengzcaez angqhoh ciet ngux nyied co'ngux neix.

(Liu Gvanghfuz/廖光福)



▲ Langhbaij doxgaig daicang Duncuz.

Sanhgyangh: “Feihyiz Hag-dangz” Yinx Dahraix

三江：“非遗学堂”展魅力

6 nyied 11 hauh dwg aen daih cib'it “ngoenz yizcanj vwnzva” Cunguek, Sanhgyangh Duncuz Swciyen youq aen yienh neix Gujyiz Cin Dohyeh Gvangjangz banh “feihyiz hagdangz” caeuq aenvunq ranzfaex gunghyi doxdax hozdung, yiengq dangdieg vunzlai baijyienj giyoz Duncuz、siuq Duncuz、dwk youzcas Duncuz daengj “feihyiz” vwnzva ngaizhoengh lai cungj lai yiengh, sonyinx gyoengqvunz roxyiuj “feihyiz”、caeziengj “feihyiz”、baujhoh “feihyiz”.

Gaenh bi neix daej, Sanhgyangh aeu swnjcienz “feihyiz” vwnzva caeuq dangdieg fungsug lijyouz、minzcuz doxgiet daengj gaenjmaed yungzhab, haenqrengz hawj vwnzva yizcanj yungzhaej saedceij daihneix, hawj “feihyiz” vwnzva swnjcienz yiengq dohyenzva、canjniebvaq caeuq daihungqvaq hwngfat.

(Gungh Bujgangh/龚普康)



▲ Gwn ngaizdaizraez.



▲ Doxidax ciengj faengx.

Lingzyinz Doxidax Mbaet Caz Guh Caz

凌云举办茶农手工采茶制茶技能竞赛



▲ Dahsau cingq mbaet caz.

6 nyied 6 hauh, Lingzyinz Yen Cungjunghvei caeuq Guengjsae Langfuz Caznieb Gujfwon Youjhan Gunghswh Gunghvei lienzhab banh bounxaemcaz hongfwngz doxdax dinfwngz mbaet caz guh caz, miz 100 lai bous senjsouj bauqmingz camgya doxdax mbaet caz guh caz.

Aendoih camgya doxdax mbaet caz haenx, iugouz yungh 2 diemjung, aeu gij caz soqliengh caeuq cizliengh aendoih camgya mbaet caz mbaet ndaej haenx daej bingzdingh baizmingz. Aendoih camgya guh caz hix dwg ciuq 2 diemjung guhsat donjmaej、nunaenj、gangqhawq daengj cwngzsi, doeklaeng bingzvej aeu gij caz gak doih guh ndei haenx, beij gij saek、rang、feih daengj bingz ok baizmingz.

(Siuh Fazlingz/肖发凌)